

南州少佐唵家雅鑒。

察哈爾營使者博貴

上國來星使。

相逢話陸隣。

漫云萍水遇。

中外一家春。

瀛海烽煙靖。

唇存齒不寒。

飲君一尊酒。

當作策勛看。

間氣扶桑萃。

英雄貌自奇。

膽包身以外。

無或藐侏儒。

嘶馬催歸客。

長亭判袂難。

汪倫無別難。

伊水自漫々。

光緒丁未夏初。東西亞南州少佐先生。遊歷至我國伊犁。一

見如故。談論間知其時務精通。而兵學地理測量諸學。尤擅

其勝。實堪欽佩之至。瀕行索詩。自愧謏陋。何敢言詩。緣辭之

不獲。卒成一絕。以贈別。錄乞斧政。

兀魯特。孝昌

萬里乘槎膽氣豪。

行蹤到處展龍韜。

者番繪得全圖去。

麟閣應銘汗馬勞。

光緒丁未春。日本南州少佐。遊歷至西域烏孫國。晤談之頃。

知其甚通中國語言文字雅。有儒將流風。出示沿途口吟。讀

之不禁羨愧交縈。遂不計工拙。勉塗一律。錄呈郵政。月支。李溶

久仰東瀛日影紅。伊江何幸識韓公。安邦上策指揮裏。閱世浮雲變態中。